

სახალხო ბაზუქი

სურათებიანი ჟამათები

ბაჭათის № 971

ლაგასპის № 171

კვირა, 18 აგვისტო 1913 წ.

შემოდგომის ყვავილი

აგერ, ჩემს ბაღში შემოდგომის ყვავილი ჰხარობს,
მოკვდ და ჰნახე ეს საუნჯე უკანასკნელი;
ჰეი, მიჯნურო, იგი მხოლოდ ერთხელ დაგატკობს,
შემდეგ დასკვნება, ჩამოსცივია ნაზი ფურცელი.
აჰა, ჩემს სულში შემოდგომის გრძობა ენთება
და ჩემი ჰანგიც მასი არის გამოძახილი;
ვიდრემდის დრო გაქვს, მოკვდ, დასტკბი, მიიძღვენ შევბა,
შემდეგ დასკვნება და მოიღნობს სევდის სახმილი.
სანდრო შანშიაშვილი.

კიდევ გნახე

კიდევ გნახე, მაგრამ თავდახრით,
გარემოცული ოხვრით და სევდით;
სხვა დროს ნახვითა გახარებულნი,
ეხლა ერთმანეთს მწუხარედ შევხვდით...

როს გშორდებოდი, თავი მომაყრდნე
და ორივენი ვოხრავდით მწარედ;
შენს თვალში სევდის ღრუბელი სწვიდა
და მღუმარებდი პირმგლოვარედ.
ყრმავ, კარგა მახსოვს, ეგ შენი თვალი
ვითარ ელავდა და ცრემლსა ჰღვრიდა,
მე კი უბედურს, გზა იღუმალი
მადარდებდა და შიშის ზარს მგვრიდა.
მაგრამ დილის ცამ დათრთვილა მიწა,
თეთრი ნისლევი გაეკრა მთა-ბარს
და მივხვდი, შემდეგ მილატებდი,
გადახვიდოდი ფიცისა საზღვარს.
აღსრულდა კიდევ წინასწართქმული,
ჩამოწვა სევდა და სივალაღე:
დღეს ყველამ იცის, რომ მის შემდგომად
გული სრულიად გარდაიცვალე...
მე რომ წარმტაცე გულისა შევბა,
ვისლა აამე ახალის ფიცით?
ერთს რომ გაუხმე ღხენის წალკოტი,
ვიდას უხარე ტრფობითა მტკიცით?
ერთმა რომ თავში ქვა წაიშინა,
ვიღამ აილო ნებისა კიქა?
სადაც მე ვსთვლიდი უკვდავად თავსა,
ეხლა ვინ მეფობს, ლამაზო, იქა?!
მაგრამ რაც გსურდეს, შენ იგი ჰქენი,
სხვა და სხვა სახე მიეცი ტრფობას,
ცვალებადია საწუთრო ჩენი,
შენც მიჰყე მისსა ცვალებად გრძობას!..

კიდევ გნახე, და კიდევ გნახავ,
მაგრამ აღსავსე ოხვრით და სევდით...
და საუკუნოდ გვეცოდინება,
რომ ფიცით მხოლოდ ფიცსავე ვხვდით!

ი. მჭედლიშვილი.

სინათლე*

ზღაპარი ფერია
3 მოქმედ. და 7 სურათად.
მოქმედება მიორბ.
სურათი I

მეორე დარბაზი სასახლეში. მეფე, სპასალარი და ვეზირი.

მეფე. სადაცაა ჩამოკრავენ თერთმეტს საათს და დარჩება მარტო თერთმეტი წუთი (ისმის ზარის ხმა, თერთმეტჯერ რეკავენ.) შესრულდა... კიდევ თერთმეტი წუთი და... მარტო თერთმეტი წუთი... მითხარით რა ვქნა?... რა წყალში ჩავვარდე?... რომელი გა იმეტო... ვაიმე შვილებო!

სპასალარი. ნუ მიეცემი, ჩვენო დიდებავ, სასოწარკვეთილება. გვიბრძანე, და მთელი ერი ამხედრდება, დარაჯათ დაუდგება მეფის შვილებს... შეგებრძოლებით თვით ჯოჯოხეთს...

მეფე. ჩემი პირობა, ჩემი სიტყვა?...
ვეზირი. პირობა, სიტყვა? ვისთან? ჯოჯოხეთის მოციქულთან... რა პირობა შეიძლება?..

სპასალარი. მე კი მგონია დაგვცინა და მოგვატყუა იმ ქვესკნელის შვილმა... იქნებ არც კი მოვიდეს (გაისმის ქექა ქუხილი. გამოცვივდებიან დედოფალი, მოჰყავს ავთანდილი და გორჯასპი, თან მხლებელი ქალები).

დედოფალი (მეფე, სპასალარი და ვეზირიც წამოხტენ). მიშველეთ, ვიღუბები... დადგა დღე აღსასრულისა.. თქვენი ჭირიმეთ, მიშველეთ!.. (მეორედ ქექა-ქუხილი, წითელი სინათლე და იატაკიდან ამოძვრება დავრიში. ყველანი შეკრთებიან და გაშეშდებიან).

დავრიში. საღამო დიდებულ მეფე ჯიმშერს... აბა, მეფევე, დანიშნულმა ვაღამ განვლო და პირობაზედ როგორა ხარ? მე ჩემი შევასრულე და შენ რას იტყვი?

დედოფ. (მიუახლოვდება დავრიშს) არ ვიცი ვინ ხარ, მაგრამ შებრალება გეცოდინება. (დაიჩოქებს) მუხლ მცდრეკილი გვედრება უბედური დედა, აიღე ხელი პირობაზედ... თუ მაინც და მაინც მსხვერპლი გინდა... აჰა, მე წამიყვანე...

დავრ. მე მოვედი მეფე ჯიმშერთან (მეფე, სპასალარი და ვეზირი მივლენ დედოფალთან, ააყენებენ და ამშვიდებენ) მე მინდა დავრწმუნდე მართლაც ისეთი მტკიცე და მაგარია მეფე ჯიმშერის სიტყვა, როგორც ჰგონია მთელს ქვეყანას?... მეფევე! პირობაზედ რას იტყვი? (უჩვენებს ავთანდილზე და გორჯასპზე) ამათში ერთი ჩემია...

მეფე. ჯოჯოხეთიდან ხარ მოსული თუ საიდან არ ვიცი... გემუდარები, გვედრები... აჰა, ნახევარი სამეფო... ცოტაა? მთელი სამეფო წაიღე... მხოლოდ დამიტოვე ორივე შვილი...

დავრიში. ჰა, ჰა, ჰა! რად მინდა შენი სამეფო?... ჩემი სიტყვა ხუთი შენისთანა სამეფოდ მიღირს. ჩემი სიტყვა მე აღვასრულე და ახლა შენი ჯერია... თუ უღალატებ შენს სიტყვას, შენს პირობას, მაშინ... მაშინ მეცოდინება ვისთან მქონია საქმე... მე ჩემსას მაინც ვავიტან, მაინც აღვასრულებ და მივიღებ კუთვნილს: შენ კი შვილსაც დაჰკარგავ და სიტყვასაც გასტეხ...

სპასალარი. კმარა ამდენი და ცინვა და დამცირება... ვინ არის ეს, ვინც ამისთანებს უბედავს მეფეს... ბრძანე, ხელმწიფევე, და აქ წუთში თავს გაფაგდებინებ! (ხმაღზე ხელს იკრავს).


დავრ. ჰმ! ჰა, ჰა, ჰა... მუქარა. ძალა?... აბა, მაშ თუ ვინმე თქვენგანი ხმალს ქარქაშს დააშორებს, მე უარს ვამბობ ჩემს მოთხოვნილებაზედ. (ყველანი ხმალს მიატანენ ხელს, ცდილობენ ამოიღონ ქარქაშიდან, მაგრამ ოდნავაც ვერ დაუძრავთ) ჰა, ჰა, ჰა... აბა, გმირებო, სად არის თქვენი ძალა, მუქარა... მეფევე! შენი სიტყვა?...!

მეფე. კარგი... უღმობელო მტარვალო!.. რომელს?! წაიყვან...


*) იხ. სურათებიანი დამატება № 170.

პასტერის ინსტიტუტის იუბილეი.

(ეს ინსტიტუტი დაარსდა 1888 წელს, 25 წელიწადი შესრულდა დღიდან მისი დაარსებისა)



ლუი პასტერი.
(გამოჩენილი ნატურალისტი, დამაარსებელი
ინსტიტუტისა)



ლუი პასტერის საფლავი ინსტიტუტში.



პროფ. რუ.
(პასტერის ინსტიტუტის დირექტორი)



პროფ. მეჩნიკოვი.
(გამოჩენილი მეცნიერი, რომელიც ამ ეამად
პასტერის ინსტიტუტში მუშაობს)

დავრ. ჰო, აი მაგაზედ ვილაპარაკოთ (ამოიღებს ხელცახოცს). აი, ამ ხელცახოცს ოთხი ბოლო აქვს, ერთზე კვანძია... გამოსწიონ ორივე ყმაწვილებმა თითო ბოლო და, ვისაც კვანძი ერგება იგი ჩემია... იქნება არც ერთს არ ერგოს, მაშინ მე წაგებულ ვარ და თქვენ მოგებულნი... (შიიტანს ხელცახოცს ბავშვებთან) აბა, ყმაწვილებო გამოსწიეთ თქვენს ბედზედ.

გორჯასპი და ავთანდილი (გამოსწივენ და ავთანდილს კვანძი ერგება. დავრიში შიიტანს ხელს ავთანდილს).

დავრ. ეს არის ჩემი!... (ავთანდილი გაუსხლტება, ჩაებლაუჭება დედოფალს).

დედოფ. არ დაგანებენ, არა... (მისცვივდებიან მეფე, სპასალარი, ვეზირი იცავენ ავთანდილს. დავრიში უკან გადახტება).

დავრ. არც ეხლა მანებებთ?... მა'შ, კარგი! (გაიქნევს ხელს და უცბად დაბნელდება. ქარი დაუქროლებს. ასტყდება ჩოჩქოლი, მიხლა-მოხლა. ისმის ხმები: „გვიშველეთ, ვიღუპებით“, დედოფლის კივილი: „ვაიმე შვილებო!“... ცოტა ხნის

შემდეგ ისევ განათდა. ხალხი დაფანტულია, ზოგი მუხლ ჩაკეცილია, ზოგი კედელს მიჭყუდება. დედოფალი უგრძნობი იატაკზე გაშოთილა. დავრიში და ავთანდილი აღარ არიან. განათების შემდეგ ცოტა ხანს გამოურკვევლობა ემჩნევათ).

მეფე. დედოფალს მიხედეთ, დედოფალს! (მისცვივდებიან დედოფალს, წამოაყენებენ, გამოაბრუნებენ)...


დედოფ. ჩემი შვილები?... შვილები?! (მიჭვრიან გორჯასპს) ეს ერთი... მეორე? ვაიმე დავიღუპე... მიშველეთ.

მეფე. ვაიმე შვილო! (ყველანი სტირიან).
ფ ა რ დ ა.


სურათი II.

დაბურული ტყე. უცნაურად დაკლანკილი ხეები. ქობი. ქობის წინ ორი ბოძი, ერთზედ კატა, მეორეზედ ყვავი. მიწაზე, ქობის წინ ცეცხლი, ცეცხლზე ზედადგარი, ზედადგარზე ქვაბი. **ჯადოსანი** რაღაცას ხარშავს. რამდენიმე ქაჯები და ეშმაკები დახტიან, უცნაურად კეკვავენ. ისმის გულშემზარავი ხმები; ხრუტუხი, კნავილი, ხარხარი ღმუილი და სხვა,

კველი სპარტიველი



უმთავრესი ტაძარი აგარის მონასტრისა.



ნანგრევები აგარის მონასტრისა, 8 ხუცური წარწერით.

აქა-იქ ხანდისხან ალი ამოვარდება. ქოხის ახლოს რაღაც საზიზღარი ქმნილებანი დაბობლავენ, ერთმანეთს, ეცილებიან ჩხუბობენ. პირველი, მეორე და მესამე ეშმაკი.

პირვ. ეშმაკი. ბაბუა რაღაც ფაცა-ფუტუშია... ალბად გემრიელს ლუქმას მოელის.

მეორე ეშმ. გემრიელს? მე შენ გითხრა შენ მოგარმევენ.

მესამე ეშმ. როდემდის უნდა იყოს ასე? მუშაობით სული გვძვრება, შიმშილით კუჭი გვიხმება.

პირვ. ეშმ. დღე და ღამ დაფანწალებთ, მოსვენება არა გვაქვს და ჯილდოთ კი გამოღრღნილ ძვალს თუ გადმოგვიგდებენ.


მესამე ეშმ. იმდამინდელისა არ იყოს. სოფელში გამგზავნა, ვიღაც მევახშე თურმე კვდებოდა, მაგისი დიდი მეგობარი. ამ მოვანშის სული უნდა მომეტანა. ის იყო სოფელს მიუახლოვდი, ვიღაც ბერს შევეჯახე. პირჯვარი გადაიწერა და გადმომაფურთხა. ისე დავიკლაქნე ისე დავიკრუნჩხე, —მეგონა იქვე გავთავდებოდი. როგორც იყო სული მოვიბრუნე და შევედი სოფელში. ახლა აქ ვიღაც ქალი შემომეფეთა: დაჭვიაწებოდა, მორბოდა და ხმა მალლა ლოცვებს გაჰქოდა. ამირია ამ ლოცვებმა გზა და კვალი, ვეღარც ქუჩა გავარჩიე, ვეღარც მოედანი, მთელი ღამე ვიხეტიალე და გათენებისას ძლივს მივაგენი მოვანშის სახლს, —სულთმობრძავი იყო. შევედი, მივესალმე. „რისთვის მოთრეულხარ“ —ო— „შენი სულისათვის, შენი სულის კირიმე“ —მეთქი. „სარგებელს რას მაძლევ“ —ო? აქაც კი სარგებელი აგონდებოდა. მაგრამ პასუხი ვეღარ მოვასწარი, ერთი დაიხრტირა და სულიც ამოსძვრა... წავავლე ხელი და მოურბენე ცხელ-ცხელი სული ჩვენს ბატონ-პატრონს... გაუხარდა, რა გაუხარდა... „საჩუქრის ღირსი ხარო, წადი, ამ სულის პატრონის ლეში შენთვის მიჩუქებიო“.

მეორე ეშმ. კარგი და გემრიელი ლუქმა უფეშქაშნია?..

მესამე ეშმ. რას ამბობ, ძმაო! ჯერ სული ისე ჰყარდა, მომქონდა სულ ცხვირს მაცემინებდა და ახლა იმის ლეში რა იქნებოდა... არც კი მივკარებივარ...

მეორე ეშმ. მეც ეს რამდენი ხანია მეფე ჯიმშერის ოჯახს დარაჯად უდგევარ, მთელი ღამეები დავხეტიალებ... ახლა ძლივს გამანთავისუფლა... დღეს მგონია უნდა მოიყვანოს შეფის შვილი.

პირვ. ეშმ. ვერ ხედავ ბაბუას, რა ყოფაშია? მაგას მოელის.



ღაბის ტაძარი

მეორე ეშმ. ჰე, რა გემრიელი იქნება მერე...

მესამე ეშმ. მე და შენ კი არა გაგვხვდება რა...

პირვ. ეშმ. ლაჩრები და უხეიროები ვართ, თორემ...

მეორე ეშმ. თორემ?.. მე ვიცი ყურებზე ხახვს დააქრიდი... ერთი დაგიბღვიროს, და მგონია სოროც კი ვერ იპოვნო დასამალავად.

მესამე ეშმ. რას გააწყობ ძამიავ?.. ძალა აღამართსა ჰხნავსო, ნათქვამია...

პირვ. ეშმ. ძალა, ძალა... განაჩვენ კი ძალა არა გვაქვს. აბა პირი შევეკრათ და ერთმანეთს მხარი დავუქიროთ... შენ გაფიცვას ეხუმრები თუ?.. აბა გავიფიცნეთ, ფეხი არსად გავსდგათ, ხელი არას მოვკიდოთ... ვნახოთ, გავიტანთ ჩვენსას თუ არა... არ მინდა და არ ვიმუშავებ... თუ მაქმევ, მასმევ?.. კეთილი! ვიმუშავებ... თუ არა და... ხელსაც არ გავძრავ...

მეორე ეშმ. მართლა, კაცო... გაფიცვა კარგი რამ არი.

მესამე ეშმ. ჰოდა, მაშ, თუ ამალამ კარგად არ გაგვიმასპინძლებიან, ხვალიდან გავიფიცნეთ...

მეორე და მესამე ეშმ. გავიფიცნეთ, გავიფიცნეთ! (ხტუნაობით და ცეკვით ტყეში მირბიან. პირველი ეშმაკი ჯადოსანს მიუახლოვდება).

პირველ ეშმ. ბები, ა— ბები!.. შიმშილით კუჭი მიხმება... ერთი ლუქმა გადმომიგდე...

ჯადოს. ემანდღეგან წაშავდი, თორემ ასეთ მათრახებს მოგართმევ, რომ ზურგი სულ აგილილო...

პირვ. ეშმ. მაშ, კი ამბავს არ გეტყვი. ისეთი რამ ვიცი რომ... რომ...

ჯადოს. წამოროშე რაც ენაზედ გადგია და ლუქმა მერმე ითხოვე...

პირვ. ეშმ. ბები, იცი... ხა, ხა, ხა... ჩვენები გაფაცვას აპირებენ... შიმშილით ვიხოცებიო... მუშაობით წელს გვწყვეტენო და ლუქმას კი არ გვაძლევენო... ხვალიდან გაფიცვას აპირებენ.

ჯადოს. რაო, რაო?.. დიდიხანია რკინის მათრახები არ უგემიათ... ე შამფურებს კი ხელოთ დავამზადებ... აჰა, შთანთქე, შე გაუმადარო! (გადმოუგდებს ძვალს) ემანდ ჯოჯოხეთის მადლი არ გაგიწყრეს და შენც იმათ არ აპყვე, თორემ ხომ იცი... ერთი მოვიდეს ჩემი შვილი... მე ვაჩვენებ მაგათ გაფიცვას... (შემორბიან მეორე და მესამე ეშმაკი).

მეორე და მესამე ეშმ. მოდის, მოდის... მოჰყავს, მოჰყავს!..

ჯადოს. ვინ მოდის? ვინ მოჰყავს?... (გამოჩნდება **დავრიში**, მხრებზე **ავთანდილი** უწის. მოიყვანს და **ჯადოსანის** წინ ჩამოსვამს ავთანდილს) შეილო, ძლივს არ დაბრუნდი... მეკი ჩემი დამემართა, გული გადმომიბრუნდა... ვინ იცის, რა არ ვიფიქრე... (მივა და ავთანდილს ხორცს უშინჯავს) ჰმ... მსუქანი კია... რბილი ხორცი ექნება... (ავთანდილი ხელსა ჰკრავს).

ავთანდ. გასეცალე, ბებრუქანავ! (დავრიშს) აქ სად მომიყვანე?... გამიშვი, თორემ მამაჩემი თავის ჯარით მოვა და სულ ლუკმა-ლუკმა აღგუქვავთ...

პირვ. ეშმ. ჰე—ე, რა ფიცხი რამა ყოფილა... მალე მოგარჯულდებ და დაგამშვიდებ, (ყელზე თითს ისვამს) ჯერ ხიჭ, ხიჭ... მერმე ცხელ წყალში ქუჭუჭ, — ქუჭუჭ... მერმე ტაფაში! — ში-ში... ისე დაიბროწები, ბელზეულის მადლმა, ლუკმა ას ოქროთ გღირები...

დავრიში. დაანებეთ ბაღს თავი... სულ ქამაზედ არ გიქირავთ თვლი... რით ვერ გაძღვრეთ?

ჯადოს. უი, ჩემო ძვირფასო, მაგათ გაუმაძღარ კუჭს რა გააძღობს... ახლა რა განუძრახიათ... შიმშილით გგოცამენო, მუშაობით წელსა გვწყვეტენო... ქა, გაფიცვა დაუპირებიათ...

დავრიში. რაო, გაფიცვაო?... თქვენც ადამიანებში გაერიეთ?... მომეცი, დედი, მათრახი... (ჯადოსანი მიაწვდის).

დავრიში. (მეორე ეშმაკს) შენ გინდა გაფიცვა?...
მეორე ეშმ. არა, ბატონო... ვფიცავ ჯოჯოხეთს... გიყი ხომ არა ვარ?... რამაკლია... ან გაფიცვით რას უნდა გავხდებ...

დავრიში. (მესამე ეშმაკს) მაშ, შენ გინდა გაფიცვა?
მესამე ეშმ. მე არა, ბატონო, მე არა. (უჩვენებს პირვ. ეშმაკზე) აი ეს გვაბუნტებს... ამან გვირჩია, მაგრამ ჩვენ არ დავსთანხმდით...

დავრიში. (მივარდება პირვ. ეშმ.) ჰა—ა, მაშ შენ?... (დაჰკრავს მათრახს).

პირვ. ეშმ. ვაიმე... მე არა!.. ბები, მე არ შეგატყობინე? მე არ გითხარი გაფიცვას აპირებენ მეთქი?

ჯადოს. მართალია მაგან შემატყობინა... მაგრამ ერთი მეორეზედ უკეთესია... სამივეს რომ კაი-კაი მიართყა, არ აწყენთ...

დავრიში. ბედი თქვენი, რომ არა მკალიან თქვენთვის... მოიტა ჯაჭვი, დედი! (ჯადოსანი ჯაჭვს მიაწვდის. მეორე და მესამე ეშმაკს) წაიყვით ეს ბაღი და ემანდ ქონის გვერდზედ დააბით... ვიი თქვენს ტყავს, თუ წავივიდათ... (პირვ. ეშმაკს) შენ წადი და შარა გზაზედ უდარაჯე. თუ გამოჩნდა ვინმე მაშინადვე შემატყობინე... (პირვ. ეშმაკი მიდის. მეორე და მესამე ეშმ. ავთანდილს წაავლებენ ხელს, ავთანდილი არა ჰნებდება. ძალით მიჰყავთ).

ავთანდ. (ყვირის). გამიშვი, გამიშვით!.. მოიცა სპასალარი მოვა და სულ შუბით დაგხვრიტავთ.

მეორე ეშმ. წაშოდი, წამოდი... მართლა რა რბილი ხორცი ჰქონია.— (წაიყვანენ და ჯაჭვით ხეზე მიაბამენ).

ჯადოსანი (დავრიშს). რლას აგვიანებ... გამოსქერი ყელი... წყალი მზადა მაქვს... ვიცი, შეილო, მშვიერი იქნები...

დავრ. არა, დედი, ეგ ბაღი სხვა საქმისთვის მქირია... გამიქირეს საქმე ფერიებმა... ხელს ძრიელ მიშლიან... და თუ ასე თუ ისე ფერიები არ მოვსპე, ცუდათ წავა ჩვენი საქმიები. მე იმათ სამფლობელოში ვერ შემესვლება... დაქვრით იმათ ვერ დავიქვრ, თუ ოქროს შანდალი, რომელიც ცხრა მთას იქით გამოქვაბულშია შენახული, ხელში არ ჩავიდგე... მე იქ ვერ მიუდგები და ეგ ბაღი კი მიადწევს და გამოიტანს შანდალს. მაგას ფერიები სწყალობენ და ყველგან შეუშვებენ. ერთი სიტყვით მაგ ბაღმა ის შანდალი აქ უნდა მომიტანოს და მაშინ ფერიები ჩემს ხელში იქნებიან... აბა, დედი, გექნება რამ ლუკმა, პატარას დავნაყრდები და მერმე მაგ ბაღს გავამგზავრებ.

ჯადოს. შენი ნებაა, ჩემო კარგო... მე კი მეგონა შესანიშნავ ვახშამს მოუშნადებ ჩემს შეილს მეთქი... მიბრძანდი შეიგნით... ცოტა რამ შეგიანახე და მიირთვი (შედიან შეიგნით)...

მეორე ეშმ. მაშ, ამდამაც მშვიდები უნდა ვიყოთ! ჰე—ე, რა სუკები დავკარგეთ?... ბიჭო, მოდი გაუშვათ ე ბაღი...

მერე გამოუდგეთ, შორს ვერსად წავივა, დავიქვილოვარებ... ერთხელ მაინც გაძღვებით კარგად...

მესამე ეშმ. მერე, რა დღეს დავაყრიან... მეგონა ცხელი შამფურებით...

მეორე ეშმ. სულელო, ვეტყვით ფერიამ გაანთავისუფლა — თქო... და ფერიასთან ჩვენ რას გავხდებით... ჯერ თავადაც ვერ მოუვლია ფერიებისათვის, ეშინიან და ჩვენ რაღა შეგვიძლიან.

მესამ. ეშ. ეგ კი მართალია... მაგრამ მეშინიან...
მეორე ეშ. მართალია და წადი და ახსენი... მე მოგეფარები და გიღარაჯებ... რისა გეშინიან?... ხელად ახსნი, მერმე ყვირილი მოვართო და დავედევნოთ ბაღს.

მესამე ეშმ. (მიდის ავთანდილთან უნდა ახსნას).
მეორე ეშმ. (ყვირის) არიქა, მიშველეთ... ბაღი აუშვა!.. მიშველეთ! (ქონიდან გამოვარდებიან დავრიში მათრახით და ჯადოსანი გახურებული შამფურით. დავრიში მივარდება მესამე ეშმ. და სცემს.)

დავრიში. ჰაი, შე ძაღლო, ვერე სდარაჯობ?...
მესამე ეშმ. მე არა, შენი ქირიმე, მაგან გამაბრიყვა, წადი ჯაჭვი გაამაგრეო და თითონ კი ყვირილი მორთო...

დავრიში (მივარდება მეორე ეშმაკს. სცემს) ესეც შენ...
მეორე ეშმ. შენი ქირიმე, ბატონო, ნუ მომკლამ... ჩემი ბრალი არ არის... მაგას ბაღი უნდა გაეშვა და მე ყვირილი ავტებე...

დავრიში. მერე გაგისწორდებით... ახლა თქვენთვის არა მკალიან... ახსენით ჯაჭვი (ავთანდილს ანთავისუფლებენ) აბა ბაღო. შემეცოდე და შენი მშობლების ხათრიცა მაქვს. წადი აგერ იმ გზას დაადექი და გაჰყვიე... თუ შეუხვებ სადმე, იცოდე დაილუპები... ცხრა მთას იქით გადახვალ, ერთი გამოქვაბული დაგხვდება გამოქვაბულის ბოლოში ოქროს მაგიდა სდგას, მაგიდაზე ოქროს შანდალი, ის შანდალი აქ მომიტანე და მაშინადვე მშობლებთან დაგაბრუნებ... თუ გზაში მოგშივდა, აბა, აი ეს სალამური... დაუკარი და უმაღლ საქმელი მოგერთმევა... მხოლოდ უკან ნუ მოიხედავ და არც არსად შეუხვიო... გახსოვდეს: მოიტან შანდალს, — დედამასთან დაგაბრუნებ... გასწი ეხლა, დაადექი გზას... (ავთანდილი მიდის).

ჯადოსანი. ახლა, ემაგრე რომ უშვებ... წავა კი იქ, სადაც საქირია... ვინ იცის აუხვიოს გზას, ან შეხვდეს ვინმე...
დავრიში. ფიქრი ნუ გაქვს... ორი დღეა მშვიერი... ცოტას გასცილდება თუ არა მაშინადვე სალამურს მიატანს ხელს: იგემებს სალამურით მირთმეულს საქმელს და უმაღლ დააკიწყდება ყოველი ფერი, რაც ახსოვს; სამშობლო, მშობლები და ყოველი, რაც კი აქნობამდისინ მაგის სიცოცხლეში მომხდარა... გახდება ჩემი მონა მორჩილი და თაყვანის-მცემელი... გადავვარდება სრულიად... აღასრულებს ყოველისფერს ჩემს ნაბრძანებს... მომიტანს შანდალს და ჩემი ნება არ იქნება, დაუბრუნო ბაღი მშობლებს თუ არა?..

ჯადოს. შენ, ჩემო სიცოცხლე, ყოველისფერი კარგად იცი...
დავრიში. უკვე გვიანლა. სადაცაა გათენდება... დაუართ ჩვენი ღამის ცეკვა და დავიძინოთ... (საზარელი კაკოფონია და ხმაურობა. ჯადოსანი და დავრიში უცნაურად ცეკვავენ. ეშმაკები, ქვემძრომები და საშინელი ქმნილებანი ამათ აჰყვებიან. გაათავეს ცეკვა.)

დავრიში. დამე სიბოროტისა!
ჯადოსანი. ძილი ჯოჯოხეთისა.
პირვ. ეშმ. სვენება ქვესკნელისა.
მეორ. ეშმ. სიზმარი ქაჯებისა!
მესამე ეშმ. კურთხევა სატანისა!
ყველანი. ბელზეულ, ბელზეულ!
(ქარიშხალი და საზარელი ხმაურობა).

ფ ა რ დ ა .
(დასასრული იქნება).

ნ. გედევანიშვილი.

